



ZAPISNIK O RADU 67. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 08.01.2025. GODINE

Broj: 01-GV-02-13/25
Sarajevo, 08.01.2025. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Srđan Simonović, zamjenik predsjedavajućeg Gradskog vijeća
4. Robert Pleše, zamjenik predsjedavajućeg Kluba gradskih vijećnika Naše stranke
5. Muamer Mekić, predsjedavajući Kluba gradskih vijećnika Socijaldemokratske partije BiH
6. Vedad Deljković, predsjedavajući Kluba gradskih vijećnika „Deljković-Simonović“
7. Bajro Biber, predsjedavajući Kluba gradskih vijećnika „USD-BOSS“
8. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
9. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
10. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“

Odsutni: Mila Eminović, sekretar Gradskog vijeća, (opravdano odsustvo), Samir Bejić, predsjedavajući Kluba Gradskih vijećnika „Danijela Šahat-Samir Bejić“, Toni Vukadin, predsjedavajući Kluba Gradskih vijećnika Naroda i Pravde (podnio ostavku na funkciju gradskog vijećnika) i Jasmin Skorupan, predsjedavajući Kluba gradskih vijećnika „Korora/Skorupan“.

Sjednici je prisustvovao gradonačelnik Grada Sarajeva Predrag Puharić.

Sjednici je prisustvovala Sabina Hadžiahmetović, šef Odjeljenja za kabinetske poslove u Stručnoj službi za poslove kabineta i poslove Gradske uprave, po ovlaštenju Gradonačelnika.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Nejra Selimović, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.05 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 66. sjednice Kolegija Gradskog vijeća, održane 03.12.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 67. sjednice Kolegija Gradskog vijeća, tako da glasi:

1. Usvajanje Okvirne dinamike rada Gradskog vijeća Grada Sarajeva u 2025. godini
2. Priprema za održavanje 49. sjednice Gradskog vijeća Grada Sarajeva
3. Tekuća pitanja

Adresa: Hamdije Kreševljakovića 3

71 000 Sarajevo

Tel.: +387 33 216 659

Fax: +387 33 205 874

Email: gsgv@sarajevo.ba

Web: gradskovijece.sarajevo.ba



Ad 1)

Usvajanje Okvirne dinamike rada Gradskog vijeća Grada Sarajeva u 2025. godini

Jasmin Ademović, predsjedavajući Gradskog vijeća je podsjetio članove da je, uz poziv za današnju sjednicu Kolegija, dostavljen Prijedlog Okvirne dinamike rada Gradskog vijeća Grada Sarajeva u 2025. godini.

Naglasio je da je, kao i svake godine, raspored aktivnosti za prvih pola godine određen kratkim vremenskim periodom u kome je potrebno izvršiti niz aktivnosti da bi se održale planirane sjednice Gradskog vijeća, ali i druge aktivnosti u kojima učestvuju gradski vijećnici, odnosno funkcioneri Grada Sarajeva te da će se u ovako predloženu dinamiku propisanih aktivnosti, kad se za to steknu uslovi, uvrstiti i održavanje konstituirajuće sjednice Gradskog vijeća u novom sazivu.

Jasmin Ademović, predsjedavajući Gradskog vijeća upoznao je članove Kolegija da od pripreme Okvirne dinamike koju Kolegij razmatra na današnjoj sjednici, već ima novih informacija u vezi sa očekivanim aktivnostima.

U vezi s tim, predložio je da se sjednica Kolegija Gradskog vijeća, u pripremi februarske sjednice, održi u četvrtak 30.01.2025. godine, a da dinamika dostave materijala i sjednica radnih tijela ostane kako je to i predloženo u Okvirnoj dinamici.

Obzirom da nije bilo prijavljenih za raspravu, **Jasmin Ademović, predsjedavajući Gradskog vijeća** je pozivao članove Kolegija Gradskog vijeća da se izjasne o Prijedlogu Okvirne dinamike rada Gradskog vijeća Grada Sarajeva u 2025. godini uz predloženu izmjenu za održavanje sjednice Kolegija u pripremi februarske sjednice Gradskog vijeća.

Na prijedlog **Jasmina Ademovića, predsjedavajućeg Gradskog vijeća** Kolegij Gradskog vijeća, bez rasprave, **jednoglasno je usvojio** sljedeći **zaključak**:

Kolegij Gradskog vijeća Grada Sarajeva je usvojio Okvirnu dinamiku rada Gradskog vijeća Grada Sarajeva u 2025. godini kako je predložena s tima da se u Okvirnoj dinamici kao termin održavanja sjednice Kolegija Gradskog vijeća u pripremi februarske sjednice Gradskog vijeća navede četvrtak 30. januar 2025. godine.

Usvojena Okvirna dinamika rada Gradskog vijeća Grada Sarajeva u 2025. godini je u prilogu ovog akta.

Ad 2)

Priprema za održavanje 49. sjednice Gradskog vijeća Grada Sarajeva

a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći **zaključak**:

- 49. sjednica Gradskog vijeća će se održati u **srijedu 29.01.2025. godine u Vijećnici** sa početkom u **10.00 sati**.
- Predlagači će materijale dostaviti Predsjedavajućem u **četvrtak 09.01.2025.**
- Sjednice radnih tijela, u pripremi 49. sjednice Gradskog vijeća, održat će se u sedmici koja počinje sa **ponedjeljkom 13.01.2025. godine**.
- Pozivi gradskim vijećnicima za 49. sjednicu Gradskog vijeća će se uputiti u **srijedu 22.01.2025. godine**.

b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Jasmin Ademović, predsjedavajući Gradskog vijeća je upoznao članove Kolegija da se očekuje da Program rada Pravobranilaštva Grada Sarajeva za 2025. godinu, bude dostavljen za 49. sjednicu Gradskog vijeća u formi informativnog materijala.

Sjednici je pristupio član Kolegija Vedran Dodik u 14.14. sati, a zatim je sjednicu napustio zamjenik predsjedavajućeg Gradskog vijeća Srđan Simonović.

Jasmin Ademović, predsjedavajući Gradskog vijeća je konstatovao da sjednici prisustvuje osam članova Kolegija te da Kolegij ima kvorum za punovažan rad i odlučivanje.

Informacija o realizaciji vijećničkih pitanja i inicijativa za tekuću godinu prema informaciji Gradonačelnika, **je spremna** i očekuje se da će biti uvrštena u prijedlog dnevnog reda 49. sjednice Gradskog vijeća.

Izveštaj o provođenju plana djelovanja za mlade u 2024. godini, prema informaciji Gradonačelnika, **je spreman** i očekuje se da će biti uvršten u prijedlog dnevnog reda 49. sjednice Gradskog vijeća.

Informacija o čuvanju, korištenju i uređivanju uređenih vodotoka iz nadležnosti Grada Sarajeva za 2024. godinu, prema informaciji Gradonačelnika, **je spremna** i očekuje se da će biti uvrštena u prijedlog dnevnog reda 49. sjednice Gradskog vijeća.

Informacija o aktivnostima radne grupe za projekat „Čista rijeka Miljacka“, prema informaciji Gradonačelnika, **nije spremna** i neće biti uvrštena u prijedlog dnevnog reda 49. sjednice Gradskog vijeća.

Prijedlog Odluke o davanju saglasnosti na Program rada Javne ustanove „Gradski Muzeji“ za 2025., se očekuje da će biti uvršten u prijedlog dnevnog reda 49. sjednice Gradskog vijeća.

Izveštaj o poduzetim aktivnostima na nastavku realizacije projekta izgradnje objekta „Vidikovac“ na Trebeviću, prema informaciji Gradonačelnika, **nije spreman** i neće biti uvršten u prijedlog dnevnog reda 49. sjednice Gradskog vijeća.

Jasmin Ademović, predsjedavajući Gradskog vijeća je podsjetio članove Kolegija da bi se, u skladu sa Odlukom o stipendiranju učenika srednjih škola iz Budžeta Grada Sarajeva, u januaru mjesecu tebao razmatrati i Prijedloga Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2024/2025. godinu.

Naglasio je da je ranije konstatovano da gradski vijećnici ne mogu biti članovi ove komisije obzirom da je Ured za borbu protiv korupcije Kantona Sarajeva dostavio mišljenje da bi, u ovom slučaju postojao sukob interesa te se navedena odluka neće donositi.

S tim u vezi, potrebno je pripremiti Odluku o izmjeni Odluke o stipendiranju učenika srednjih škola iz Budžeta Grada Sarajeva u kojoj bi se izmijenila odredba koja propisuje da članove Komisije za razmatranje, obradu i analizu pristiglih prijava na Konkurs za dodjelu stipendija iz sredstava Budžeta Grada Sarajeva čine i gradski vijećnici.

Predrag Puharić, gradonačelnik Grada Sarajeva je upoznao članove Kolegija da će za razmatranje na 49. sjednici Gradskog vijeća predložiti Odluku o izmjeni Odluke o stipendiranju učenika srednjih škola iz Budžeta Grada Sarajeva.

c) Nerealizovane teme iz 2024. godine

Jasmin Ademović, predsjedavajući Gradskog vijeća je podsjetio članove Kolegija na neke od tema koje nisu realizovane u 2024. godini, i to:

- Prijedlog Odluke o davanju saglasnosti na Program obilježavanja 6. aprila – Dana Grada Sarajeva za 2025. godinu,
- Informacija o realizaciji budžetskih sredstava u oblasti turističke djelatnosti, i
- Informacija o realizaciji projekta izgradnje pješačkog mosta iz ulice Bihaćka.

Mirjana Đanović Stanić, rukovodilac Stručne službe za poslove Gradskog vijeća je podsjetila članove Kolegija da Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2025. godini nije razmatran na 48. (decembarskoj) sjednici Gradskog vijeća iako je to bilo planirano Programom rada Gradskog vijeća Grada Sarajeva za 2024. godinu te bi bilo potrebno da se isti pripremi za 49. (januarsku) sjednicu Gradskog vijeća.

d) Novi prijedlozi

Predrag Puharić, gradonačelnik Grada Sarajeva je upoznao članove Kolegija da će za 49. sjednicu Gradskog vijeća predložiti i sljedeće teme, koje je i obrazložio:

- Odluka o davanju saglasnosti gradonačelniku Grada Sarajeva za poklanjanje sistema naplate ulaznica Historijskom muzeju BiH, u okviru projekta „IVA“, finansiranog iz UNESCO fonda
- Prijedlog Odluke o davanju saglasnosti gradonačelniku Grada Sarajeva za potpisivanje ugovora o privremenom korištenju, bez naknade, nekretnine – vikend objekta
- Odluka o dopuni Odluke o obnovi fasada u obuhvatu historijskog urbanog krajolika
- Odluka o davanju saglasnosti za potpisivanje Sporazuma o sufinansiranju projekta sanacija i restauracija fasade zgrade Narodnog pozorišta u Sarajevu
- Odluka o izmjenama Odluke o utvrđivanju nacionalnih kulturnih društava od posebnog značaja za Grad Sarajevo
- Odluka o izmjenama Odluke o utvrđivanju posebnog značaja za Grad Sarajevo za udruženje „Asocijacija nezavisnih intelektualaca – KRUG 99“
- Odluka o izmjenama Odluke o utvrđivanju posebnog značaja za Grad Sarajevo za udruženja Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini
- Odluka o izmjenama Odluke o utvrđivanju posebnog značaja za Grad Sarajevo udruženja „Obrazovanje gradi Bosnu i Hercegovinu“
- Odluka o izmjenama Odluke o utvrđivanju posebnog značaja za Grad Sarajevo za Udruženje „Savez antifašista i boraca narodnooslobodilačkog rata u Kantonu Sarajevo“
- Odluka o izmjenama Odluke o utvrđivanju posebnog značaja za Grad Sarajevo za Udruženje slijepih Kantona Sarajevo
- Odluka o izmjenama Odluke o utvrđivanju posebnog značaja za Grad Sarajevo za Udruženje Međunarodni forum Bosna
- Odluka o izmjenama Odluke o utvrđivanju posebnog značaja za Grad Sarajevo za Udruženje generala BiH
- Odluka o izmjenama Odluke o utvrđivanju posebnog značaja za Grad Sarajevo za Udruženje „Hagada“
- Odluka o izmjenama Odluke o utvrđivanju posebnog značaja za Grad Sarajevo za Udruženje Kali Sara – Romski informativni centar Sarajevo
- Odluka o izmjenama Odluke o utvrđivanju posebnog značaja za Grad Sarajevo za Udruženje za očuvanje i promociju rok muzike „Ex-Yu Rock Society“

- Odluka o izmjenama Odluke o utvrđivanju posebnog značaja za Grad Sarajevo za Fondaciju Mreže („Službene novine Kantona Sarajevo“, broj 16/22)
- Odluka o izmjenama Odluke o sticanju statusa udruženja od posebnog značaja za Grad Sarajevo za SOS KINDERDORF INTERNATIONAL („Službene novine Kantona Sarajevo“, broj 31/22)
- Odluka o izmjenama Odluke o utvrđivanju posebnog značaja za Grad Sarajevo za Udruženje Kupujmo i koristimo domaće – kvalitetno proizvedeno u BiH („Službene novine Kantona Sarajevo“, broj 34/23)
- Odluka o izmjenama Odluke o utvrđivanju posebnog značaja za Grad Sarajevo za Udruženje turističkih vodiča grada Sarajeva „Vučko” („Službene novine Kantona Sarajevo“, broj 5/24)
- Odluka o izmjenama Odluke o utvrđivanju posebnog značaja za Grad Sarajevo za Udruženje „Zajedno smo jedno” („Službene novine Kantona Sarajevo“, broj 31/24)
- Odluka o izmjenama Odluke o utvrđivanju posebnog značaja za Grad Sarajevo za Udruženje POMOZI.BA („Službene novine Kantona Sarajevo“, broj 31/24)
- Odluka o izmjenama Odluke o proglašenju manifestacija iz oblasti privrede i lokalnog poslovanja od posebnog interesa za Grad Sarajevo („Službene novine Kantona Sarajevo“, broj 23/24 i 31/24)
- Odluka o izmjenama Odluke o utvrđivanju posebnog značaja za Grad Sarajevo za Fondaciju „Ivanka i Safet Zec“
- Odluka o izmjenama Odluke o utvrđivanju posebnog značaja za Grad Udruženja za zaštitu kulturne baštine Isa beg Ishaković

Jasmin Ademović, predsjedavajući Gradskog vijeća je upoznao članove Kolegija da je Haris Džihanić, član Odbora za budžet i finansije, kojeg je za tu funkciju predložio Klub gradskih vijećnika Naroda i Pravde, podnio ostavku, te će Klub gradskih vijećnika Naroda i Pravde predložiti njegovo razrješenje sa dužnosti člana ovog radnog tijela.

Član Kolegija Seid Škaljić je predložio Gradonačelniku da provjeri, prije upućivanja u proceduru Prijedloga Odluke o davanju saglasnosti gradonačelniku Grada Sarajeva za potpisivanje ugovora o privremenom korištenju, bez naknade, nekretnine – vikend objekta, da li se u Ugovoru može navesti da se nekretnina – vikend objekat privremeno koristi bez naknade.

Ad 3)

Tekuća pitanja

I

Jasmin Ademović, predsjedavajući Gradskog vijeća je podsjetio članove Kolegija da je uz poziv za sjednicu Kolegija dostavljena, kao informativni materijal, Inicijativa Zastupnice Edine Gabele upućena Zastupničkom domu Parlamenta Federacije BiH i Ustavno pravnoj komisiji za izmjenu Ustava Federacije BiH tako da se omogući direktan izbor gradonačelnika Grada Sarajeva i gradskih vijećnika.

U raspravi koja je uslijedila učestvovao je **član Kolegija Seid Škaljić** koji je predložio da se Inicijativa Zastupnice Edine Gabele upućena Zastupničkom domu Parlamenta Federacije BiH i Ustavno pravnoj komisiji za izmjenu Ustava Federacije BiH tako da se omogući direktan izbor gradonačelnika Gradu Sarajevu i gradskih vijećnika uputi Gradskom vijeću kako bi se Gradsko vijeće informisalo i kako bi se javno istaklo da je ovo Gradsko vijeće više puta upućivalo ovakvu inicijativu kao i inicijativu za izmjene Ustava Kantona Sarajevo kojima bi se omogućio direktan izbor gradonačelnika i gradskih vijećnika.

II

Jasmin Ademović, predsjedavajući Gradskog vijeća je podsjetio članove Kolegija da je otvoren poziv za predlaganje kandidata za dodjelu „Šestoapriilske nagrade Grada Sarajeva“ u 2025. godini do 23.01. do 16.00 sati.

III

Jasmin Ademović, predsjedavajući Gradskog vijeća je podsjetio Klub gradskih vijećnika Naše stranke da razmotri potrebu izmjene Odluke o osnivanju Kluba gradskih vijećnika Naše stranke, obzirom da je Veres Ćosić preuzeo mandata gradskog vijećnika.

Mirela Džehverović, zamjenica predsjedavajućeg Gradskog vijeća pristupila je sjednici u 14.22 sati.

U raspravi koja je uslijedila učestvovao je **član Kolegija Seid Škaljić** koji je uputio prijedloge Gradonačelniku, a koji su imali sljedeći sadržaj.

- Potrebno je, što je moguće prije, potpisati nove ugovore sa sadašnjim zakupcima poslovnih prostora i garaža u naselju Šip u vlasništvu Grada Sarajeva jer su važeći ugovori istekli, a ugovorni odnos je nastavljen.
- Potrebno je da Gradonačelnik, odnosno nadležna služba za upravu poduzme sve što je potrebno da se, u saradnji sa drugim nadležnim subjektima, jasno odredi koji prostor uz otvorene uređene vodotoke, uključujući i mostove, je obavezan čistiti Grad Sarajevo (čišćenje od smeća i snijega i održavanje zelenila). Naglasio je da je ovo potrebno imajući u vidu preklapanje pojasa uz otvorene vodotoke sa saobraćajnim i drugim površinama koje nisu u nadležnosti Grada Sarajeva kao i to da je Statutom Grada Sarajeva održavanje mostova dato u nadležnost Gradu Sarajevu, ali važeći zakoni i drugi propisi viših nivoa vlasti ne sadrže uslove da Grad i obavlja tu nadležnost.

Predrag Puharić, gradonačelnik Grada Sarajeva je prihvatio iznesene prijedloge.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.30 sati.

SEKRETAR GRADSKOG VIJEĆA

Mila Eminović

PREDSJEDAVALJUĆI GRADSKOG VIJEĆA

Jasmin Ademović, s.r.